

Regio unde dicta

STIRIAM vulgo *Stirmarck*, a Tauro dictam esse vix dubium est, cui opinioni subscribit etiam Agidius Tschudus: ubi refert ex Plinio, Catonem Lepontios & Salassos Tauricæ gentis asseverare: (inquit enim:) Fuerunt autem Taurisci isti Galli, quorum natio in antiquissimis Gallorū præliis Sedem collocavit ultra Alpes, de quibus Polybius lib. 11. de Bello Gallico sic scribit: In Alpibus ab utroque latere montosa habitant ad eam partem quæ versus Rhodanum & Septentrionem spectat, Galli qui *Transalpini* appellantur: ad eam vero quæ campis imminet *Taurisci*, *Agones* & alia pleraque Barbarorū genera, a quibus *Trans-Alpini* non generet, sed differentia loci differunt, ideo *Trans-Alpini* dicti, quod trans Montes colant &c. *Isti Taurisci* postea emigrantes, alia quæsierunt loca, occupaveruntque regionem quæ modo Comitatus *Goerts* appellatur, ac deinde profecti sunt in Stiriam, nomen suum illi terre relinquentes. Significat enim Taurus Germanis *Stier*. Fuderunt se quoque in Austriam, & Hungariam, de qua re hic non est locus differendi. Hæc ille. *Stiriam* vero *Valeriam* olim dictam fuisse affirmant nonnulli, sicque appellatam fuisse in honorem Valeriæ Diocletiani Filiae, quemadmodum Marcellinus memoriæ prodidit: Et Aurelius Victor de Cæsaribus. Volaterranus vero *Iapidiam* dictam putat: Sic enim scribit lib. vii. Geograph. Proxima huic *Iapidia*, quam *Stiriam* nunc vocant, licet Pius Pontifex eam *Valeriam* putat: ego vero ex descriptione Rufi, *Valeriam* potius *Croatiam* dixerim, inter Danubium & Dravum. Hactenus ille. Si prior opinio vera est. *Quados* aliquando hæc loca tenuisse, ex eo patet, quod Sextus Rufus scribit sub Iulio, *Marcomannos* & *Quados* de locis *Valerie* quæ sunt inter Danubium & Dravum fluvium pulsos esse. Est vero & hæc regio Norici Mediterranei pars, quemadmodum & Carinthia, & Illyrici provinciis adnumeranda. Germaniæ quoque posterius accessit. Conregionales Stiriis sunt ad Ortum quidem Hungari, ad Meridiem Carniola Carniaque: ad Occidentem Carinthia: qua Septentrio est, Austria. Terra undique Montibus obsita præterquam qua Orientem respicit Solem, ubi spaciola est planicies. De ejus fertilitate parum polliceri ausim. Regio quidem universa Mineris turgit, verum Principium incuria parcius foditur. Argentarias Fodinas habet in Alpibus quas *Schvvenberger Alpen* ipsi nuncupant. Ferrarias juxta Anisum fluvium. Salis quoque ingens hic copia coquitur, quam in alias regiones exportant, ac lucrum ingens recipiunt. *Marchionatus* olim Pannoniæ primæ erat, unde Stiria *Marchia* dicta fuit. *Marca* autem Limitem sonat: per Limitaneum itaque Comitem administrabatur, uti Lazius ostendit. Deinceps Ducatus titulum adepta per Fredericum Barossam, Austriaci Ducibus accessit, quibus etiamnum paret. Vltimus Marchio dictus fuit *Ottocarus*, cujus Filiâ duxit uxore *Lupoldus* Dux Austriæ, qui cōsensu Imperatoris factus est Dux Stiriæ. Deinde successionē illa rursus extincta, miserūt Provinciales quidā in Pavariam, alii in Hungariā, cujus regni moderator misit filiū suū: sed cū ille viveret juxta mores suos, intolerabilisq; esse Stiriis, exactus fuit, & vocatus *Ottocarus* filius regis Bohemiæ, qui

Situs.

Soli qualitas.

Imperium majorum.